



9. februar 2024

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuninnga apeqquteqaateqarpunga:

Naalakkersuisunut apeqquteqaatit:

1. **Inatsisit atuutsinneqarnerinut oqartussaqarfíup aammalu Rigsmyndighed suleqatigiinnerisa eqaannerusumik ingerlalernissaa qulakkeerniarlugu Naalakkersuisut suliniutinik aallarnisaanerlutik?**
2. **Justitsministeriamiit 9. Januar 2024 allakkiaq nassiuussimasaat imatut quelequtserneqarsimasoq: "Statusbrev årsskiftet 2023/24" taamatuttaarlu Naalakkersuisut tassunga akissutaat, ilanngutassiami uani eqqaaneqartoq: "Inatsisinut atortitsinermut suliniut pillugu Naaja: - Atuagaq nikallornartoq" Sermitsiaq.AG-mi Naalakkersuisut nassiuussinnaavaat?**
3. **Nunatsinni pillaasarnermut inatsimmik eqquissisoqarnissaanik Naalakkersuisut qanoq isumaqarfigaat?**
 - a. **Pillaasarnermut inatsimmik eqquissisoqassagaluarpat piareersaasiorluni suliassat suut pisariaqartinneqassanersut Naalakkersuisut naatsorsuutigaat?**
 - b. **Piareersaasiorluni sulineq tamanna Naalakkersuisuniit qanoq sivisutigissanersoq naatsorsuuteqarfigineqarpa?**
4. **Nalakkersuisut suliamut tunngasunik paasissutissanik allanik paasissutissiisinhaappat?**

(Inatsisartunut ilaasortaq Anna Wangenheim, Demokraatit)

Tunngavilersuut

Inatsisinik atuutsinneqarnerannut oqartussaqarfímmut atatillugu Rigsmyndighed suleqatiginartarnera amerlanertigut kigaappallaamik ingerlanneqartarpooq. Maluginiarpara Naalakkersuisut matumani isumaqataasut, taamaattumillu iluarismaarinninnginnertik pillugu Justitsministeriamut allakkanik nassiuussisimasut.

Ammasumik ingerlatsinissaq pillugu Justitsministeriamiit allakkiat aammalu matumunga Naalakkersuisuniit akissutigineqarsimasut tamakkiisumik tamanit ilisimaneqalernissaat kissaatigaara.

Tamatuma avataasigut isertuussassaanngilaq Inatsisartuni oqallinnerit arlallit ingerlanneqarnerini nunatsinni pillaasarnermut inatsimmik peqalernissarput pillugu ilaasortat arlallit kissaateqartartut. Taamaattmic Naalakkersuisut matumunnga isumaat paasissallugu soqtigaara, minnerunngitsumillu pillaasarnermut inatsiseqalernissamut sulinerup qanoq piareersarneqassanersoq aammalu piffissaq qanoq sivisutigisoq eqqartorneqarnersoq paasissallugit soqtigaara.

Ullut suliffiusut qulit iluanni apeqqutinnut akissutisinissara qilanaaraara.